

Delegacion di fraccion di AVP

A bishita trabou di construccion di Prinses Amalia Basisschool nobo



UN trabou impresionante ta loke por a ser constata ayera mainta n'e sitio di construccion di e scol nobo den cual Prinses Amalia Basisschool lo ocupa den e proximo aña escolar.

Miembronan di fraccion di AVP, Lorna Varlack Jansen, Jennifer Arends-Reyes y Chris Dammers, a haya un recorrido den e proyecto impresionante aki caminda dentro di dos luna e contratista lo entrega e yabi na Gobierno.

Un compleho di scol tremendo cu diferente espacio pa educacion y formacion di e alumnonan manera e.o. diferente localidad pa uzo di educacion digital, 12 klas pa alumnonan, sala di reunion y di directiva, oficina principal pa directiva di e scol y un plaza central p'e muchanan por hunga durante pauze c'un sitio cubri caminda por tin actividadnan cultural, pero tambe cu por sirbi p'e muchanan por sinta for di solo durante di e oranan liber.

Un proyecto nobo cu sin duda lo ta na beneficio di e muchanan di Prinses Amalia Basisschool cu ta duna e scol un aspecto totalmente diferente y hopi impresionante.

Ta trata aki di un proyecto cu ta serca di 5.9 miyon florin cu Gobierno ta sigui inverti den desaroyo di nos pais y principalmente di nos muchanan.